



Broj: 04/5-05-1-1340-1/17
Sarajevo, 14. 6. 2017.

PREDMET: Informacija o posjeti članova Delegacije PSBiH u PSNATO i Podkomiteta za tranziciju i razvoj Parlamentarne skupštine NATO institucijama zakonodavne i izvršne vlasti Republike Srbije, Beograd 12.-14.6.2017.godine

Predsjedavajući Delegacije Parlamentarne skupštine Bosne i Hercegovine (PSBiH) u Parlamentarnoj skupštini NATO-a (PSNATO) Nikola Lovrinović i članica Delegacije Dušanka Majkić boravili su u periodu 12.-14.6.2017.godine u trodnevnoj radnoj posjeti institucijama zakonodavne i izvršne vlasti Republike Srbije. Posjeta je realizovana zajedno sa članovima Podkomiteta za tranziciju i razvoj Parlamentarne skupštine NATO.

U sklopu programa posjeta institucijama zakonodavne i izvršne vlasti Republike Srbije, tokom prvog radnog dana članovi Podkomiteta i Delegacije PSBiH u PSNATO razgovarali su sa potpredsjednikom Narodne skupštine Republike Srbije Veroljubom Arsićem, članovima Odbora za privredu, regionalni razvoj, trgovinu, turizam i energetiku, zatim Odbora za finansije, republički budžet i kontrolu trošenja javnih sredstava, kao i Odbora za odbranu i unutrašnje poslove, te sa kolegama iz Delegacije Narodne skupštine Republike Srbije u PSNATO.

Tokom razgovora i razmjene mišljenja o većem broju pitanja sa članovima ovih odbora, članovima Podkomiteta za tranziciju i razvoj PSNATO prezentovan je pozitivan ekonomski napredak Republike Srbije i razvoj u brojnim oblastima. Bilo je, također, govora i o statusu i toku evroatlanskih integracija Republike Srbije, aktuelnom stanju na Kosovu, te odnosima sa Rusijom i NATO savezom.

U okviru aktivnosti koje su imali prvog radnog dana, članovi Podkomiteta i Delegacije PSBiH u PSNATO razgovarali su i sa rezidentnim predstavnicima Međunarodnog monetarnog fonda. Tema ovih razgovora bile su ekonomska situacija u zemlji i regionu, te perspektive Republike Srbije u okvirima regionalnog ekonomskog razvoja

Tokom drugog radnog dana, članovi Delegacije razgovarali su sa Ivicom Dačićem, ministrom inostranih poslova Republike Srbije te su posjetili kamp za izbjeglice u Krnjači. Tokom posjeta izbjegličkom kampu u Krnjači, članovi Delegacije bili su u prilici sagledati probleme koje sa sobom nose izbjeglice iz zemalja Bliskog i Dalekog Istoka.

Trećeg dana posjete Republici Srbiji, članovi Delegacije su posjetili Centar za bezbjednosnu politiku u Beogradu. Tom prilikom razgovarali su sa Sonjom Stojanović, direktoricom Centra i Jelenom Milić, direktoricom Centra za euroatlanske studije o aktuelnom stanju u Republici Srbiji. To je bio presjek viđenja stanja u Srbiji od strane predstavnika nevladinog sektora gdje su iznesene brojne kritike na rad aktuelne vlasti.

Isto tako, članovi Delegacije su razgovarali i sa predstavnicima opozicije u R Srbiji gdje su Saša Janković, Saša Radulović i Vuk Jeremić se osvrnuli na političku i ekonomsku situaciju u Srbiji. Iznijeli su brojne primjedbe na rad vladajuće koalicije u Republici Srbiji.

Tokom boravka u Beogradu, članovi Delegacije su posjetili Ambasadu BiH u Republici Srbiji gdje ih je primio Zoran Perković, otpravnik poslova.

Informaciju sačinio:
sekretar Delegacije
Željko Grubešić

PREDSJEDAVAJUĆI DELEGACIJE
Nikola Lovrinović